

Sta. Cruz, 20 di oktober 2020

COLSANT – 2020/2021 - 007

Topico: Nacionaal Onderwijs Congres Aruba/ Informacion encuanto herkansing

Apreciabel mayor y alumno,

Nos ta spera cu famia completo ta bon di salud y cuidando boso mes pa corona no yega cerca. Na esnan cu lastimamente si a haya nan mes confronta cu e virus, nos kier manda nos palabra di pronto recuperacion y forsa.

Nacionaal Onderwijs Congres Aruba

SKOA como fundacion pa enseñansa catolico na Aruba ta pone hopi enfasis riba e desaroyo profesional di su docentenan. Pa di tres aña consecutivo SKOA ta organisando un Nacional Onderwijs Congres pa tur su docentenan. E aña aki esaki lo ta enteramente virtual y lo tuma lugar diamars 27 di oktober 2020. Riba e dia aki e alumnonan no tin scol y ta keda cas. Lesnan ta sigui normal bek diaranson 28 di oktober.

Herkansing riba toetsweek 1.1

Na comienso di aña escolar nos a incorpora e posibilidad di ofrece un “herkansing” pa tur alumno despues di un periodo di prueba den nos programa di scol. Pa loke ta trata toetsweek 1.1 lo siguiente. Aunke docentenan a haci nan maximo esfuerso pa prepara les pa alumnonan na scol como tambe pa esnan cu mester a keda cas, no semper esaki a duna e fruto cu nos a spera pa tur materia. Nos a analisa e situacion y por a saca varios motibo pakico esaki tawata e caso. Entre otro mester tene cuenta cu hopi alumno no a bin scol mas despues di 16 di maart 2020. Tambe tin un grupo di alumno cu a indica cu nan motivacion durante e siman cu nan tawata na cas no tawata optimal. Den algun caso situacion delicado na cas debi na Covid19 tambe tawatin influencia.


Pa e motibo aki nos kier ofrece tur alumno di ciclo basico 1 y 2 como tambe esnan di ciclo avansa 1 e oportunidad pa haci un herkansing den dos prueba di e toetsweek 1.1. Esaki ta nifica cu den transcurso di otro siman tur alumno por scoge dos materia pa ripiti, esaki no ta obligatorio. Den preparacion pa esaki e mentor lo instrui e alumno durante mentorstudieles otro siman con e proceso lo cana. Pa diaranson 28 di oktober tur alumno mester a yena nan formulario di forma digital. Si un alumno no a yena e formulario digital, scol lo considera cu e alumno no tin interes den un herkansing. Pa loke ta e resultado di e herkansing: “hoogste cijfer telt”.

Nos tin riba planificacion pa e herkansingen tuma lugar diaranson 4 di november y diaranson 11 di november 8^e y 9^e lesuur. Nos lo informa tur alumno di esaki asina cu nos tin e planning cla.

Nos kier keda gradici tur mayor pa nan pasenshi y confiansa den nos scol. Nos team ta traha duro tur dia pa ofrece e mihor calidad di enseñansa apesar di e crisis cu nos ta pasando aden.

Por ultimo nos kier recorda tur mayor pa keda papia cu e alumno tocante di nan salud y seguridad. Tur punto den e protocol di scol pa cu Covid19 ta keda vigente. Danki pa e cooperacion.

Saludo cordial,



Gershwin Lee
Director Colegio San Antonio Mavo